

OKVIRNI SPORAZUM

za ustupanje usluga laboratorijskog ispitivanja uzoraka u okviru provođenja službenog uzorkovanja hrane i hrane za životinje, ambalaže i površina u kontaktu sa hranom za potrebe inspeksijskog nadzora Kantonalne uprave za inspeksijske poslove Kantona Sarajevo

I – UGOVORNE STRANE

Naručilac usluga: KANTON SARAJEVO, Stručna služba za zajedničke poslove (u ime i za račun Kantonalne uprave za inspeksijske poslove Kantona Sarajevo)
ul. Reisa Džemaludina Čauševića br. 1. Sarajevo
koju zastupa načelnik Fikret Jašarević
(u daljem tekstu: **Naručilac**)

Izvršilac usluga: VETERINARSKI FAKULTET SARAJEVO
ul. Zmaja od Bosne br.90 71 000 Sarajevo
koga zastupa dekan prof. dr. Nihad Fejzić
(u daljem tekstu: **Izvršilac**)

II – PREDMET UGOVORA

Član 1.

Naručilac naručuje, a Izvršilac preuzima obavezu da za potrebe Naručioca, prema uslovima i odredbama ovog okvirnog sporazuma i na osnovu prihvaćene ponude Izvršioca broj: 01-01-1/17 od 15.06.2017. godine, zaprimljene pod brojem: 17-14-21391 od 15.06.2017.godine, vrši **usluge laboratorijskog ispitivanja uzoraka u okviru provođenja službenog uzorkovanja hrane i hrane za životinje, ambalaže i površina u kontaktu sa hranom za potrebe inspeksijskog nadzora Kantonalne uprave za inspeksijske poslove Kantona Sarajevo u periodu od dana potpisivanja Okvirnog sporazuma do 31.12.2019. godine.**

Član 2.

Izvršilac se obavezuje da će po nalogu Naručioca, a na osnovu predhodno izrađenog i od strane Naručioca odobrenog načina rada, pružiti sve **usluge laboratorijskog ispitivanja uzoraka u okviru provođenja službenog uzorkovanja hrane i hrane za životinje, ambalaže i površina u kontaktu sa hranom za potrebe inspeksijskog nadzora Kantonalne uprave za inspeksijske poslove Kantona Sarajevo.**

Prema uslovima ponude i prihvaćenog načina rada Izvršilac je dužan ukoliko to zahtjeva Naručilac preuzeti sve uzorke na slijedećim lokacijama:

1. Centralna zgrada Kantona Sarajevo u ul. Reisa Džemaludina Čauševića 1;
 2. "Nedžarići – zgrada Studentskih domova" u ul. Aleja Bosne Srebrene bb;
 3. Prostorije Kantonalne uprave za inspeksijske poslove u ul. Dalmatinska 2/1;
- kao i na drugim lokacijama na području Kantona Sarajevo, ukoliko to bude zahtijevao Naručilac.

Ukoliko se ukaže potreba za dodatnim uslugama, iste će se vršiti samo uz saglasnost Naručioca i ugovarat će se kroz izdavanje i potpisivanje narudžbenice kao dio ugovaranja u okviru ovog okvirnog sporazuma.

III – KVALITET I OBIM USLUGA

Član 3.

Izvršilac se obavezuje da sve usluge koje zahtjeva Naručilac izvede prema prihvaćenoj ponudi, uz potpuno poštivanje tehničkih i svih drugih elemenata koji su definisani u prihvaćenoj ponudi, vodeći računa o usaglašenosti pružanja zahtjevanih usluga sa važećim propisima, standardima i normativima za ovu vrstu usluga.

Član 4.

Usluge iz tačke 1. ovog Ugovora vršit će se na osnovu zahtjeva Naručioca, koji će svoje potrebe za uslugama iskazivati kroz zahtjeve za ponudom i ispostavljanjem narudžbenica za svaku pojedinačnu isporuku. Ispostavljena narudžbenica predstavlja ugovorni odnos (ugovor) u okviru ovog Okvirnog sporazuma. Naručilac ima pravo da od Izvršioca zahtjeva nabavku i isporuku proizvoda koji nisu obuhvaćeni ponudom, a cijena tih proizvoda će se ugovarati na isti način kroz dostavljanje ponude od strane Naručioca i izdavanje narudžbenice od strane Kupca, koja će predstavljati potvrdu prihvaćene količine i cijene tih proizvoda. Nabavka proizvoda koji nisu obuhvaćeni prihvaćenom ponudom ne može preći 10% ugovorene vrijednosti ovog Okvirnog sporazuma.

Za sve izvedene usluge i kvalitet istih (parcijalno ili kumulativno), Izvršilac je dužan o svom trošku, izraditi i Naručiocu u svakom trenutku dostaviti odgovarajuću dokaznu dokumentaciju (pisanu), o ispravnosti, kvalitetu i verifikaciji metoda za realizaciju usluga koje su predmet ovog okvirnog sporazuma.

Član 5.

Eventualna odstupanja od obima ovim okvirnim sporazumom predviđenih usluga, moraju biti predhodno odobrena od strane Naručioca, odnosno od strane nadzornog organa.

IV - KONTROLA

Član 6.

Stručni nadzor nad izvođenjem usluga vršit će Kantonalna uprava za inspeksijske poslove Kantona Sarajevo preko ovlaštene komisije, koja će se formirati odmah po potpisivanju ovog okvirnog sporazuma, a na najdalje u roku 15 (petnaest) dana. Naručilac usluga je dužan pismenim putem obavijestiti Izvršioca usluga o formiranju Komisije i njenim ovlaštenjima.

V – GARANCIJA O KVALITETU

Član 7.

Izvršilac daje garanciju na kvalitet izvedenih usluga u smislu izvršenih pretraga ili propisanih zahtjeva za vrednovanje metode (validacija).

Član 8.

U slučaju pojave nedostataka u toku vršenja usluga, odnosno usljed naknadne provjere neposredno nakon izvedenih usluga i konstataovanja nedostataka, Izvršilac je dužan da odmah, a najdalje u roku od 24 (dvadesetčetiri) sata po pozivu Naručioca pristupi njihovom otkanjanju i iste otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog okvirnog sporazuma, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

Član 9.

U slučaju naknadne pojave nedostataka u kvalitetu izvedenih usluga, čime bi bili ugroženi "životi ljudi" ili prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvođač to izbjegava Naručilac će postupiti na način predviđen članom 8. ovog okvirnog sporazuma.

VI – CIJENA USLUGA

Član 10.

Prihvata se jedinična cijena usluge ponuđene u ponudi broj: 01-01-1/17 od 15.06.2017. godine.

1. Ustupanje usluga laboratorijskog ispitivanja uzoraka u okviru provođenja službenog uzorkovanja hrane i hrane za životinje, ambalaže i površina u kontaktu sa hranom za potrebe inspeksijskog nadzora Kantonalne uprave za inspeksijske poslove

..... 223.019,70 KM (ukupna cijena bez PDV-a),
2. Iznos PDV-a 37.913,35 KM,

..... 260.933,05 KM (cijena sa PDV-om).

Slovima: (dvijestotinešezdesethiljadadevetstotridesettri i 0,5/100 KM).

Član 11.

Izvršilac nema pravo na promjenu ugovorene jedinične cijene, po bilo kom osnovu i u tom smislu utvrđena **jedinična cijena prihvaćena ponudom broj: 01-01-1/17 od 15.06.2017. godine, smatra se fiksnom i nepromjenljivom.**

VII – NAČIN I USLOVI PLAĆANJA

Član 12.

Ugovorne strane su se sporazumjele da Naručilac, Izvršiocu izvedene usluge plati na račun:

- žiro račun broj: 160106000014329 (»VAKUFСКА BANKA« d.d. Sarajevo)

Član 13.

Fakturisanje usluga će se vršiti mjesečno. Nakon završetka vremenskog ciklusa od mjesec dana, Izvršilac je dužan da na osnovu evidencije, utvrdi tačan broj izvršenih analiza, te uz ovjeravanje naloga od strane nadzornog organa (Komisije) i ovlaštenog lica Naručioca, u najkraćem vremenskom periodu izvrši fakturisanje obavljenih usluga.

Izvršilac usluga će obavljene usluge fakturirati odmah, a najduže u roku od 15 (petnaest) dana, dok će Naručilac fakturisane usluge plaćati **u roku od 60 (šezdeset) dana**, od dana ispostavljanja fakture.

VIII – TRAJANJE OKVIRNOG SPORAZUMA, ROKOVI I USLOVI IZVOĐENJA USLUGA

Član 14.

Ovaj okvirni sporazum stupa na snagu danom potpisivanja i **traje do 31.12.2019. godine**, uz mogućnost njegovog produženja za najviše godinu dana pod istim uslovima.

Naručilac će na kraju svake Budžetske godine vršiti preispitivanje realizacije ovog okvirnog sporazuma, s ciljem utvrđivanja kvaliteta i opravdanosti realizacije istog. Ukoliko Naručilac utvrdi odstupanja u realizaciji od ugovorom definisanih elemenata, odnosno utvrdi neisplativost daljnje realizacije ovog okvirnog sporazuma, ima pravo jednostranog raskida ovog okvirnog sporazuma, bez bilo kakvih uslovljavanja od strane Izvršioca.

Član 15.

Rok za usaglašavanje načina realizacije usluga između Naručioca i Izvršioca, prema uslovima prihvaćene ponude iznosi **30 dana** od dana potpisivanja okvirnog sporazuma.

Član 16.

Naručilac je dužan da Izvršiocu usluga bez naknade stavi na raspolaganje svu dokumentaciju kojom raspolaže, a koja se može koristiti tokom realizacije usluga.

Član 17.

Izvršilac je kod vršenja usluga odgovoran za:

- sprovođenje mjera tehničke zaštite na radu,
- sigurnost objekata i stvari u njemu za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem usluga.

Član 18.

Izvršilac je obavezan vršenje predmetnih usluga, ako je to u skladu sa važećim propisima, prijaviti nadležnom organu.

IX – PENALI I KAZNA

Član 19.

U slučaju da Izvršilac usluga svoju ugovorenu obavezu ne izvrši u ugovorenom roku i u obimu iz usaglašenog osnovnog projektnog zadatka, Naručilac stiče pravo na obračun i naplatu kazne za prekoračenje ugovorenog roka u iznosu od 5% od izvedene vrijednosti usluga za predhodni mjesec, a najviše do 5% od vrijednosti izvedenih usluga.

Član 20.

Ugovorena kazna će biti obračunata kroz ispostavljanje mjesečne fakture, odnosno konačnim obračunom usluga.

X – DOKUMENTACIJA

Član 21.

Izvršilac je obavezan voditi evidenciju svih pruženih usluga (elektronsku i pisanu), od kojih jedan pisani primjerak za potrebe Naručioaca.

Obostrano ovjereni – potpisani listovi evidencije čine sastavni dio usaglašenog obračuna vrijednosti usluga, odnosno fakture za izvršene usluge.

XI – TEHNIČKI PRIJEM I PRIMOPREDAJA

Član 22.

Tehnički prijem usluga obavlja Komisija iz člana 6. ovog okvirnog sporazuma, osim u slučajevima kada Izvršilac usluga od Naručioaca zahtjeva formiranje nove komisije za tehnički prijem usluga.

Član 23.

Tehnički prijem i primopredaja usluga se po zahtjevu Naručioaca, mogu izvršiti i za dio usluga koji čine funkcionalnu cjelinu, a sve po procjeni i u skladu sa procjenom Naručioaca.

XII – KONAČAN OBRAČUN USLUGA

Član 24.

Konačan obračun usluga i ispostavljanje fakture će se izvršiti najdalje u roku od 15 (petnaest) dana tekućeg perioda za predhodni obračunski period (mjesec), po izvršenom tehničkom prijemu ili primopredaji ugovorenih usluga.

Član 25.

Konačan obračun usluga će izvršiti Izvršilac na osnovu usaglašenog i obračunatog broja usluga, a u skladu sa izvršenim tehničkim prijemom i izvršenoj primopredaji ugovorenih usluga.

XIII – IZMJENE ODREDBI UGOVORA, RASKID UGOVORA

Član 26.

Ugovorne strane su saglasne da se odredbe okvirnog sporazuma mogu mijenjati sporazumno i samo u pisanoj formi i kao takav dokument čini sastavni dio ovog okvirnog sporazuma.

Član 27.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid okvirnog sporazuma i naplatu nastale štete

XIV PRELAZNE I ZAVRŠNE ODREDBE

Član. 28

U slučaju spora po ovom okvirnom sporazumu, ugovorne strane su dužne isti sporazumno riješiti, a u protivnom saglasne su da prihvataju nadležnosti suda u Sarajevu.

Član 29.

Okvirni sporazum stupa na snagu danom obostranog potpisivanja od strane ovlaštenih lica ugovornih strana.

IZVRŠILAC
VETERINARSKI FAKULTET
SARAJEVO

NARUČILAC
KANTON SARAJEVO

Stručna služba za zajedničke
poslove (u ime i za račun
Kantonalne uprave za inspekcijske
poslove Kantona Sarajevo)

DEKAN

/Prof.dr. Nihad Fejzić/

Datum:

Broj: 09.04.28.102/13

NAČELNIK

/Fikret Jašarević/

Datum: 25-10-2017

Broj: 17-14-4330-12

